

金石萃編

第一函
五冊

鄭子知
藏

PDG

金石萃編卷九十一

賜進士出身 誥授光祿大夫刑部右侍郎加七級王昶謨

唐 五十一

張安生墓誌

石高廣俱二尺五寸二十八行行二十九字正書
蓋題大唐故張府君墓誌銘九字篆書在西安府

唐故雲麾將軍行右龍武軍將軍上柱國開國侯南陽

張公墓誌銘 并序

鳥能飛万里其有鵬乎魚能吸百川其有鯢乎夫鯢鵬
之處者非滄海而不居非扶搖而不動豈秋潦夕吹而
能加其志焉士有佐世之材者非艱難而不投非明

金石錄卷之十一
君而不事豈升簪凡類而能効其節焉則我 南陽張

公功可著矣公諱安生譜嫫清華門多高士漢有留侯
秘略晉有司空博識累榮冠冕暉曜相繼祖諱泰考諱
貞並儒素隱躬遁跡不仕田園蘊 道於高尚詩書襲

德於風雅後曰公列爵追贈孝狀風郡司馬父因子貴
以忠彰孝公駿骨天資偉兒神秀拔奇材於衆外先武
略於群石景雲中屬韋氏竊權群凶暴溢擾我黔庶殘
我 王室公乃叶忠謀爲佐弼識 潛龍必躍於雲霄
知牝鷄伏誅於斧質提一劍而直入掃九重以殊謚并
清京兆之 天重捧長安之 日謀深於周邵功越

於平勃古往已來莫之与正公以功高職卑者志士之
讓初退後進者達人之漸故辭公侯之封就戈戟之任
畢能身榮於紫綬門曜於丹戟得馮異大樹之名免簫
何小過之責有始有卒其惟公平乎遂解褐授果毅二遷
折衝一拜郎將拜轉中郎畢于龍武將軍矣食邑九百
戶公歷官無虧公務首要處事有則人莫能犯或 帝
居內宮則警衛嚴肅或 駕行外仗則旗隊克齊其動
也若鷹鷂迴迅其止也狀師席群怖電轉星流比其速
雲迴霞卷處其事暨乎晚載自強不息者繫公而口以
天寶十三載冬十一月十日扈從薨于昭應縣之官第

也享載七十有一初公染疾城中將口湯所左右留勸
佐色不從曰吾亦知難保者命但殞隨口君側以表忠
誠亦知易歿者身但死在營間用彰勲節使魂歸 帝
鄉之路心存 皇闕之下願之足矣汝等勿違言畢扶
疾卽行到遂終彼所謂臨事無苟憚臨困無苟免及迴
輓于路誰不傷悼嗣子庭訓等侍疾而捧藥淚枯返柩
而攀輿氣輟夫人太原郡君王氏先公近歿苦蘆猶新
纓經重舉泣地未絕號天更哀又以翌載春二月十二
日別兆塋于龍首原之禮也素墳上築而永固靈堂下
蟄而深堅白雲孤飛招將軍之勇氣綠栢旁植表武士

之高節恐陵谷有遷刻銘以記銘曰

鶚之迅兮飛已絕上之勇兮謀且決臨難不懼兮忠臣
節奉我明后兮誅暴孽鵠鵠貴兮鴈行列花萼忽凋
兮一枝缺獨有功名兮千載存列石泐銘兮記墳闕

按此碑但稱諱安生而不及其字與張希古碑但
稱字而不及諱皆行文之略又希古碑有書人而
無撰人此碑則書撰人皆無亦皆刻誌之變例未
必取法于漢也碑書祖若父皆無官位其家世寒
微可知其云景雲中屬韋氏竊權殘我王室公乃
提一劍而直入掃九重以殄謐再清京兆之天重

捧長安之日云云此指元宗誅韋氏睿宗卽帝位
之事唐書睿宗紀景雲元年六月壬午韋皇后弑
中宗立溫王重茂爲皇太子又矯遺詔自立爲皇
太后皇太子卽皇帝位庚子臨淄郡王隆基卽元宗
率萬騎兵入北軍討亂誅韋氏安樂公主等甲辰
安國相王卽皇帝位是時張安生不過在萬騎兵
中之一人事定之後敘其微勞因授以果毅折衝
等官也碑又云天寶十三載冬十一月十日扈從
薨于昭應縣之官第唐書元宗紀天寶十三載十
月乙酉幸華清宮又地理志京兆府昭應縣有宮

在驪山下貞觀十八年置咸亨二年始名溫泉宮
天寶元年更驪山曰會昌山三載析置會昌縣六
載更溫泉曰華清宮治陽井爲池環山列宮室又
築羅城置百司及十宅七載更會昌縣及山曰昭
應碑稱安生薨于昭應縣之官第者蓋扈從百司
之第也碑不著安生里居但云墓于龍首原長安
志萬年縣有龍首鄉在縣東一十五里當卽龍首
原地理志京兆府萬年縣天寶七載改曰咸寧安
生或卽家于此歟碑書譜牒作譜姝冠冕作冠冕
皆別體蕭何作蕭何則筆誤也

少林寺神王師子記

石高三尺三寸五分廣二尺五寸二
十六行行三十五行正書在少林寺

勅還少林寺神王師子記

大周天冊萬歲金輪聖神皇帝如意元年迎神王入內
其神王元是泥素彩裝其皇帝敬重神王脫空口竹紮
以金裝爲年歲多日金薄彫落後開元廿年僧麤器報
以金裝恐後僧徒貴勝不知口由立一小碑述久視元
年還神王 勅具錄如後 少林寺 神王二
右去如意之年奉 勅將前件神王入內比不敢

陳請今內出功德散與諸寺且少林神王送在大福先

寺但山寺去都稍遠巧至難遇前件神王元在少林上
坊普光佛堂今者現闕其大福先口忽得神王一十五
軀望請前件兩軀得還少林令本處尊儀具足冀得幽
山功德不闕莊嚴口往來有所瞻仰謹詣光政門奉狀
陳請以聞伏希 恩旨 久視元年九月十三日
少林寺主義昇等狀 僧麤藏 勅好還少林寺

門司李阿毛宣

口監門直長路尙賓

左監

門直長成思貞

押門長上果毅杜行敦

周

還少林寺師子

勅一道

少林寺

師子二

師子郎二

右件師子等並是少林寺普光堂前

隨神王功德其神王奉今月十三日

勅還少林

寺爲前狀不別顯師子等福先寺綱維但付神王未付
師子既是隨神王一鋪功德望請許將還山供養謹詣
光政門奉狀以聞伏聽

勅旨

久視元年九

月廿九日少林寺主僧義昇等狀

勅好

九

月廿九日門司李仁福牒

右監門直長路尙賓

左監門直長成思貞

裨門長上果毅杜行亨

周少林寺賀師子

勅一道

少林寺僧義

昇等言伏奉九月十三日

恩勅賜還神王又奉其

月廿九日

恩勅兼還師子

恩波洊委喜懼兼深僧

義昇等誠惶誠恐死罪死罪但此功德皆是素裝忽覩
靈姿遂如金飾 驪工再造 天巧自然 神之力巍
巍如是緇徒跼影若攀兜率之宮靈相生光似降莊嚴
之國手舞足蹈倍百恒情無任荷懼屏營之至謹附表
陳謝以聞謹言 久視元年十月日少林寺主僧義昇
等上奉 勅好放阿師去 久視元年十月六日門

司陳嘉逸睒 普光堂內一佛二菩薩迦葉阿難及門
外二金剛二神王二師子城內少有傳聞博士姓李名
雅永平年造此尊像奇妙少雙菩薩儀容卒不可有阿
難迦葉貌相肅然合掌虔恭實難希有門外二金剛烏

鵲不口口承稱說異相屢現其師子者乍著儀容或嗔
或喜盡工巧近不可圖容二師子郎常相口口口一鋪
功德不可思議

天寶十四載八月十五日建

普光院立碑僧鹽器

修造僧智通法師

同修造僧同光禪師

都維那僧法忍

僧普門

僧智訔

僧惠覺禪師

清河張景鼎刻字

碑載久視年間僧義獎等表狀及武氏口勅碑小非
名筆故諸錄遺之葉并叔官於登封而石刻記亦不

載余至少林周行廊廡見此石嵌置東廡壁間亟揭

得之知考古必須親閱也

金石文
字記

張希古墓誌

石高二尺九寸七分廣三尺四分二十二
行行二十二字行書今在吳縣靈巖山館

大唐故游擊將軍守左衛馬邑郡尚德府折衝都尉左
龍武軍宿衛上柱國張府君墓誌銘

并序

鴈門田頴書

噫夫蒼穹不仁殮我能幹德星落彩和璧韜光者歟爰
我所環清河張公字希古晉司空華之裔緒也惟祖厥
父耿逸馳芳兢惕怡然匪干榮祿優遊自得凜霜松之

搽岐嶷孤拔挺風雲之氣公負河岳之粹英育辰象之
靈質亭亭高聳遠振雄名傑傑威稜龍城獨步門延賓
侶豈謝季倫精舍樓臺有齊須達加以武略兼著公忠
必聞歷踐榮班宿衛 清禁累遷馬邑郡尙德府折衝
都尉游擊將軍上柱國負外置同正負莫不獻肝瞻於
玉階輸腹心於金闕惟謹惟勵不愆不瑕豈啻二豎曲
災兩搯搗禍藥物無護酷裂所鍾白日長辭黃泉永赴
則以天寶十四載十月十七日終醴泉里之私第春秋
七十有三天寶十有五載四月二日窆于鳳城南樊川
之北原禮也太夫人天水趙氏恭而有禮時稱孟軻之

毋珪璋播美松竹茂心誕三子長日行瑾次日崇積並
武部常選季子談俊衛尉寺武器署丞嗚呼誰免乎榮
枯適覩全盛今已淪殂梁木折太山頽三子腸斷二女
情摧咄嗟人代天道邇迴其詞曰

公之英聲振區宇兮公之勇義如龍虎兮彼上蒼蒼何
不仁兮僉歿我之至所環兮泉門此日一闕閑兮玉顏
何春再相詣予表余平生情慙至兮飭琬琰以鑿銘記
予

天寶十五載歲次景申四月甲申朔一日甲申建

碑載府君字希古不言其名曾爲馬邑郡尙德府折

衝都尉馬邑卽朔州唐書不及府名亦可以補史之

缺

關中金
石記

唐之府兵皆隸於諸衛左右衛領六十府諸衛領五十至四十其餘隸東宮六率此尙德府則左衛所領也尙德府領于左衛而又稱左龍武軍宿衛者蓋自上宿衛時別有配隸非必就本衛爾希古子二人俱武部常選天寶十一載改兵部曰武部故也

潛研堂
金石文

跋
尾

碑爲田穎行書竇臬述書賦有販書人田穎注云長安人志凡識滯疑卽此人但竇云長安人而此題曰